



## Խ Մ Բ Ա Վ Ի Ր Ա Կ Ա Ն

### Ա Ն Ց Ն Ո Ղ Տ Ա Ր Ի Ն

Պատմության գիրկն անցավ 1963 թվականը, ողջ աշխարհի համար իրադարձություններով հարուստ մի տարի:

Ամանորի և հրաշափառ Ս. Ծննդյան տոների խորհուրդը, ժամանակի և կյանքի մեծ տոնը, մի անգամ ևս իր վրա է բեռում քրիստոնեական աշխարհի ուշադրությունը, մեր խոհերն ու զգացմունքները:

Նոր տարի է: Հուլյանով, լավատեսությամբ բաց ենք անում Գալիլիի՝ նոր կյանքի, նոր հնարավորությունների դռները, մաղթելով, որ «ժամուց և ժամանակաց» Արարիչը, «զմիս ամս որ գալոց է, խաղաղութեամբ և պարագայց ամօք պահեսցէ»:

Վաղվա նկատմամբ վառ հուլիսի, անկոտրում հավատի մեջ է, որ է՛լ ավելի է գեղեցկանում կյանքը և զգացվում է նրա վեհությունը, նպատակազգացությունը, ժամանակի հավիտենականությունն ու բերկրանքը:

Ամեն անգամ հրաժեշտ տալով անցնող տարվան և ողջունելով նորը, մարդիկ սիրելի սովորություն են դարձրել խորհրդածել ժամանակի և կյանքի մասին, որպեսզի գալիք օրերը լինեն, թե՛ իրենց և թե՛ մարդու շրջապատի համար, բարիքներով լեցուն և օրհնություններով բեղմնավոր օրեր:

«Տուր զմամար տնտեսութեան քո» (Ղուկ. ԺԶ 2):

Անցնող ժամանակն ստիպում է մեզ անսալ մեր խղճմտանքի ծայնին և պատասխանատվության խորունկ զգացումով խորհրդածել, հանրագումարի բերել մեր կյանքից խլված օրերի հաշիվը:

Նոր տարին բացվում է մեր նայվածքի և գործունեության առաջ որպես նոր կյանքի, նոր

հնարավորությունների մատյան, և մեր գերագույն կոչումն է ժամանակի և կյանքի այդ մատյանը լցնել աստվածահաճո, ժողովրդանվեր, մարդասիրական արհիվ գործերով և աշխատանքներով:

Սաղմոսերգուն, կյանքի իր սեփական փորձառությամբ, շեշտում է մարդկային սովորական կյանքի վաղանցիկ բնույթը և փառաբանում է Աստուծո և ժամանակի հավիտենականությունը: Արդարև, մարդու կյանքի օրերը «ընդ առաւօտս որպէս դալարի զուարճացին և ծաղկեսցին, ընդ երեկոյս թարշամեսցին, չորասցին և անկցին» (Սաղմ. ԺԹ 6—7):

Կարևորը, էականը ոչ թե ժամանակի փոփոխությունն է մարդու համար, այլ կյանքի և մարդու փոփոխությունը, վարճացումը, կատարելագործումը անփոփոխ և հավերժական ժամանակի մեջ:

«Ամենայն կեանք մեր անկայուն են, շարժական է և ոչ մնացական: Ո՛չ մեծութիւն, ո՛չ փառք, ո՛չ ուրախութիւն, ո՛չ հեշտութիւն և ո՛չ այլ ինչ, այլ ամենայն ինչ փոփոխի և գնայ որպէս հին տարին գնաց» (Գրիգոր Տաթևացի):

Նոր տարվա առաջին տոնը Զրիստոսի Ծննդյան տոնն է, որը մի տեսակ սրտազին կոչ է կամ ազդարարություն, ուղղված քրիստոնյա աշխարհին, հասկանալու համար, թե մարդիկ ի՞նչ կերպերով, ինչպիսի՞ ներշնչումներով և ի՞նչ պարտականությունների կատարումով պիտի կարենան արժեքավորել իրենց կյանքն ու ժամանակը:

Ահա այսպիսի սրտազին խոհերով և զգացումներով, քրիստոնեական վառ հավատով է դիմավորում հայ ժողովուրդը նոր տարին թե՛ իր



Մայր Հայրենիքում Սովետական Հայաստանում և թե՛ Սփյուռքի տարածքի վրա:

Անցնող տարին մեր հայրենիքի, մեր ժողովրդի և Հայ Եկեղեցու համար նորանոր հաջողություններով հարուստ տարի հանդիսացավ:

Ազգային-եկեղեցական տեսակետից 1963 թվականը պատմական տարի հանդիսացավ մեր եկեղեցական տարեգրության մեջ նրանով, որ Ամենայն Հայոց Վեհափառ Հայրապետը անձամբ Իր օրհնությունները և հայրենի աշխարհի ողջույնը տարավ Լոնդոնի, Երուսաղեմի, Կահիրեի, Ալեքսանդրիայի և Հնդկաստանի մեջ ապրող Իր պավակներին և վերահաստատեց մեր եկեղեցական միությունը, հոկտեմբերի 26-ին, Երուսաղեմում, ողջագուրվելով Մեծի Տանն Կիլիկիո Վեհափառ Նորեն Կաթողիկոսի հետ:

Ամենայն Հայոց Վեհափառ Հայրապետի արտասահման կատարած հովվապետական երրորդ ուղևորությունը մի անգամ ևս վերածվեց հայ հավատացյալ ժողովրդի, Հայ Եկեղեցու միության անխզելի ցնծատոնի և հանդիսացավ մեր ժողովրդի սիրո և երախտագիտության վառ արտահայտությունը դեպի նրա անձնվեր և պահապանող Հայրապետը և դեպի մեր վերածնված Մայր Հայրենիքը՝ Սովետական Հայաստան:

Անցնող տարին ապնիվ հպարտության պգացումներով լցրեց ճշմարտապես հայրենասեր յուրաքանչյուր հայ մարդու սիրտը:

Հայ ժողովուրդը, իր հայրենի սրբազան հողի վրա, իր հայրենի պետականության պատու խաղաղ պայմաններում, ստեղծագործ և շինարար աշխատանքի նորանոր հաջողություններով է դիմավորում իր նոր տարին, բառացիորեն հրաշքի հավասար վիթխարի փոփոխություններ արձանագրելով մշակույթի, արվեստի, գիտության, գրականության, ժողովրդական տնտեսության, լուսավորության, առողջապահության և գյուղատնտեսության բնագավառներում և հայ ժողովրդի հոգևոր և բարոյական նոր կյանքի կերտման ասպարեզում:

Նոր տարվա սեմին, պայծառ է մեր վերածնված հայրենիքի ներկան, է՛լ ավելի հուսալից, խոստումնալից է մեր ապագան, մեր լուսե գալիքը:

Անցնող տարին մասամբ արդարացրեց նաև համայն մարդկության հույսերը և եղավ, արդարև, պատմական մի ժամանակաշրջան, որի ընթացքում հետևողական և համառ ջանքեր թափվեցին պետական ղեկավար գործիչների, քաղաքական, կրոնական տարբեր համոզմունքների տեր միլիոնավոր մարդկանց կողմից, մեղմելու միջազգային լարվածությունը, վերացնելու «սա-

ռը» պատերազմի հոգեբանությունը, փակելու նոր պատերազմի ճանապարհը, ամրապնդելու ժողովուրդների անվտանգությունը և բարելավելու պետական տարբեր սիստեմ ունեցող կառավարությունների փոխհարաբերությունները:

Մարդկության վերև, այս նոր ժամանակների հորիզոնի վրա, փայլում է արդեն հույսի աստղը, մոտ է առավոտը խաղաղության:

Անցնող տարում, օգոստոսի 5-ին, Մոսկվայում, Կրեմլի մեծ պալատում, Սովետական Միության, Ամերիկայի Միացյալ Նահանգների և Մեծ Բրիտանիայի կառավարությունները ստորագրեցին մթնոլորտում, տիեզերական տարածության մեջ և ջրի տակ միջուկային փորձարկումների արգելման պայմանագիրը:

Միջուկային փորձարկումների արգելման Մոսկվայի պայմանագիրը անցնող տարվա միջազգային մեծագույն իրադարձությունն էր, որն ընդունվեց հսկայական գոհունակությամբ և խորին բերկրանքով:

1963 թվականին կայուն խաղաղության՝ մարդկության վերջնական և վեհ նպատակին՝ հասնելու գործի մեծ սկիզբը դրվեց:

Նոր տարվա սեմին, ողջ մարդկությունը խորապես հասկանում է և գնահատում Մոսկվայում ստորագրված պայմանագրի աստվածահաճ և մարդասիրական նշանակությունը և հոգու խորքից աղոթում.

«Զի լռեսցին պատերազմուք,

Դադարեսցին լարձակմունք թշնամեաց,

Տնկեսցի սեր և արդարութիւն ի յերկրի»:

Թո՛ղ 1964 թվականը խաղաղության վերջնական հաղթանակի տարին լինի բովանդակ մարդկության համար:

Թո՛ղ 1964 թվականը մեր վերածնված հայրենիքի և հայ ժողովրդի համար լինի նոր նվաճումների և հաղթանակների տարի իր հայրենի օջախում, խաղաղ և ապահով:

Թո՛ղ 1964 թվականը Բրիտոսի հրաշափառ և Ս. Ծննդյան երկնատուր շնորհներով լինի մեր Եկեղեցու համար ճշմարիտ միության, հոգևոր և ազգային համագործակցության նվիրական և բեղմնավոր տարի:

Այս բարեմաղթություններով, նոր տարվա հատուկ այս խոհերով և Ս. Ծննդյան տոնի հոգեներոգ ներշնչումներով և ավետիսով դիմավորենք հույսի և կյանքի կրկնակ տոները՝ հայկական ամանորը և Ս. Ծնունդը:

Ենորհավոր նոր տարի, մեր սիրելի՛ եղբայրներ և քույրեր, որ ի Հայաստան աշխարհ և ի սփյուռս:

Ենորհավո՛ր նոր տարի:

«Բրիտոս ծնա՛ւ և յայտնեցա՛ւ»:

